

Μεκανα μετε yi Pol κετιμα κενιε botu be Efes

Yo Pol, mo tomun Yesus Krist kete mekana mete yoko, yite a ke jobo ke Rom.

Nyangwe to lapi, yo nde, njon botu bete be tike temo ke yi *Krist ke ndingele meneti maka hene baka, bo yotu ne. Yo ne nyangwe meyasi yitati yi beje njon bekriten ke: (1) Diyoko kriten, yo nyangwe yasi budyate keto ngikwa Njambiye. (2) Yotu Krist yo nge? (3) Kriten yakangwe jonna bengwe teri ne nda kriten. Yi tedye ne teri Krist ke njoka bekriten, Pol ke nye meyekambiye yitati: Kasi yotu mumo, kasi njumo ne kasi gwaki.

Wuse yakama baka mekana maka ke nyangwe mengabiye yitati:

1. Teri mo Njambiye ke moy ngikwa te yi Njambiye kele ne nye ke (kumte 1-3).
2. Jongwe ne mesay me mo Njambiye (kumte 4-5).
3. Jongwe ne dyambi te yi mo Njambiye lu ke (kumte 5-6).

¹ Yo mi Pol, mi mo tomun Krist Yesus nda yi Njambiye kwadya ke. Yo mi kete mekana maka keniye wune botu bete be Njambiye tokuma [ke Efes] nde, wune beki ndi bene, wune botu bete be tike temo ke yi Krist Yesus ne temo yun hene baka. ² Njambiye Sangwe wusu ne Kumande

Yesus Krist k el ngikwa ne wunε, nye sendi wunε tete.

Kimɔ meyasi mete yi Njambiyε

nye wuse k e

³ Wuse l ksa Njambiyε te Sangwε ne Nyangwε Kumande wusu Yesus Krist, keto a kelma kimɔ yasi budyate ne wuse. A nya wuse kwalɔ kimɔ meyasi hene te yi diye ke kwey yi wule ke yi Kimɔ Sisiη k e. A nya wuse yo, wuse be diye sangwate sine be *Krist baka. ⁴ Njambiyε kikima si t ke wuse keto Krist, yite a t  pa kusɔ mbokɔ na, n  wuse be ndi bene kine be ne yiηa monɔ mejɔsɔ ke mbombu wene na. ⁵ Njambiyε kwadya wuse, dete ε nye kike si pesɔ nde, a ta jaye bu wuse nda ngbak ngbak bonɔ bene keto Yesus Krist. Yo nde, a beηma kimote y  kelɔ dete nda yi nye ne nguru wene kwadya kelɔ k e, ⁶ n  wuse sombile nye keto nyangwε kpasa ngikwa ne. A k el ngikwa te ne wuse dete, keto wuse sangwate sine be Monɔ wene, sɔη temɔ ne. ⁷ Sine be Monɔ wene te sima be sangwate. Njambiyε kolma wuse ne nje mekiyɔ me Monɔ wene, tiko sendi wuse ne ngwete ke mejɔsɔ musu keto nyangwε ngikwa ne. ⁸ Njambiyε kubula kelɔ ngikwa ne wuse y  tonje wuse ne dyanɔ n  duw  yasi hene y  nembe ne meyasi. ⁹ Yo nde, a b  njombu yanηa ne yiηa yasi te yi nye kwadya kelɔ k e. A pesima nde, a ta kelɔ yo ne nje Yesus Krist. Yo b  sɔdyate ne mbombu ne bomɔ, ma ndana, a sima punje yo nye wuse, keto a beηma kimote y  kelɔ dete. ¹⁰ A kpoma nde, a ta kelɔ yasi te kome ngimɔ te yi nye pesima k e ta dya. Yo nde, kande

ɔyɔbɔ kumɔ mɛnɛti, a ta ŋgbɔ mɛyasi hɛnɛ te yi dɛiyɛ kɛtɛ kɛ́, Krist nyɛpɔ ta bɛ kum namɔ yo hɛnɛ. ¹¹ Njambiyɛ tɔkuma wusɛ ndɛ, nɛ́ wusɛ bɛ ndi bɛnɛ kɛtɔ Krist. A kikima si tɔkɛ wusɛ ɔfɛtɛ bɛŋgɔwɛ yasi te yi nyɛ kombila ndɛ, a ta kɛlɔ́ kɛ́. A kɛ tonjɛ mɛyasi hɛnɛ nda yi nyɛ nɛ ŋguru wɛnɛ kwadɔyɛ kɛ́ yaka nɛ yasi te yi nyɛ pɛsima kɛ́. ¹² A kikima si tɔkɛ wusɛ ɔfɛtɛ, nɛ́ wusɛ sombile nyanɔngwɛ meluksa mɛnɛ, wusɛ botu bɛtɛ bɛ kandima bɛ nɛ ɔɔbina temɔ njombu yaɲa kɛ yi Krist ɔbaka. ¹³ Wunɛ sendi, wunɛ bɛ Krist mɛ sanɔgwatɛ. Wunɛ wokuma lɛpi te yi lɛpɛ gbakasi. Lɛpi te, yo Kimɔ Tom te yi lɛpɛ nda yi Njambiyɛ jɔŋgɔwɛ nɛ wunɛ kɛ́. Wunɛ sendi, wunɛ tikima temɔ kɛ yi Krist, ɔfɛtɛ ɛ Njambiyɛ njɛ kwɛtɛ wunɛ yɔɲa yɔ nɛ. Yɔ te, yo Kimɔ Sisiɲ te yi nyɛ kpoma kɛ́. ¹⁴ A nya wusɛ Kimɔ Sisiɲ te, nda yi mumɔ kandɛ nyɛ ndɔtukwɛ yí ladɔyɛ nɛ nyɛna ŋɔlɔkɔ́ kɛ́. ɔfɛtɛ, a kɛ tedɔyɛ ndɛ, a ta kɛ mbɔmbu yí nyɛ wusɛ kimɔ ɔbukwɛ mɛyasi hɛnɛ te yi nyɛ ɔbakidɔyɛ tɛkɛ botu bɛnɛ kɛ́. A ta nyɛ wusɛ yo kɔmɛ nyɛ ta sidɔyɛ jɔŋgwa botu bɛnɛ kɛ́. Botu bɛtɛ, yo ɔbaka bɛ nyɛ kolma, nɛ́ ɔbɔ bɛ bɛnɛ. Njambiyɛ kelma ɔfɛtɛ, nɛ́ wusɛ sombile nyanɔngwɛ meluksa mɛnɛ.

Pol kɛ ŋgwɛta nɛ Njambiyɛ

kɛtɔ bɛkritɛn bɛ Efɛs

¹⁵ Yori mi sendi, mi kɛ nyɛ Njambiyɛ wosoko kɔmɛ mi wokuma kasi tikina temɔ te yi wunɛ tɛkɛ kɛ yi Nyɔngwɛ Kumandɛ Yesu nɛ mɛkwadɔya mɛtɛ yi wunɛ nɔ sunɔngwɛ nɛ botu bɛ Njambiyɛ hɛnɛ kɛ́. ¹⁶ Mi yeti kɛ gbɛlɔ nyɛna

Njambiyε wosoko dete keto yun kome mi take wunε ke moy mεngwεta mεmbe kε na. ¹⁷ Mi ke ηgwεta nε Njambiyε te ε Nyangwε Kumande wusu Yesu Krist keto yun. Nye Da te ε nε meluksa hεnε. Mi ηgwεtangwε nε nye nde, a nyêki wunε dyanɔ nε nje Sisiη nε. A kêl sendi nde, Sisiη te pûnjukwε nye nye wunε, né wunε duwε nye kimɔ duwate. ¹⁸ Dete, a bûta metemɔ mun paniyε puyε ketε, né wunε duwε nε yasi te yi nye jεbama wunε nde, wunε bêki nε bibina temɔ ketε kε, duwε sendi nde, kimɔ mεyasi mεte yi nye bakidyε tike botu bεnε kε gba kpasate budyate. A bákidyε yo, na nje nye wunε wúnε botu bεnε hεnε. ¹⁹ A kêl sendi nde, wunε dûkwε nde, a nε nyangwε ηgungudyε kwε to te, duwε sendi nda yi ηgungudyε te keke mesay ke temɔ su, wusε botu bεte bε tike temɔ ke yenε baka. ²⁰ Yo ndi sendi nyangwε ηgungudyε te yi nye tedya ke yi *Krist kome nye womiya nε nye ke njoka bεmun nje lepɔ nye nye nde, a dīy metidyε ke mbam bɔ nε ke dyoɔɔ ke kwey kε. ²¹ Kome nye dīyε mate kε, yo nye lanša bεjaki hεnε nε bekum ban hεnε nε mεyasi hεnε te yi nε ηgungudyε nε nyangwε bekum bεjaki hεnε. Yo nye lanša sendi mumɔ hεnε, yeti ndi ke ηgimɔ te yɔkɔ na, ko ke ηgimɔ te yi ta duwε nje kε, ko mɔ te bεki nε kwalɔ dīnɔ te nda. ²² Njambiyε kawula mεyasi hεnε tikɔ ke nji mεkol mε *Krist, tεmbidyε sendi nye siya kum ke ndingεle njɔη botu bεte bε tike temɔ ke yenε baka. ²³ Njɔη botu bεte, yo yotu Krist. Bo ke kelɔ nde, Krist bêki tondunate ke mεnje hεnε nda yi nye keke

sendi nde, meyasi hene bêki tondunate ké.

2

Njambiyε jɔngwe mumɔ,

ketɔ a ne ηgikwa

¹ Ma wunε bɔ yun ne mbombu munte ke misi me Njambiyε, ketɔ meɔsɔ mun nε beya meyasi mete yi wunε dikima kelɔ sendi ké. ² Ke ηgimɔ te yite wunε dikima jɔna dεte beɔgwe beya nje te yi botu be meneti maka, kelɔ meyasi nda yi beya *Kum beya mesisiη mete yi jɔngila ke kwey dikima tedye wunε ké. Yo sisiη te ke kelɔ mesay ndana ke temɔ botu bete be lɔ dyambi sunɔgwe ne Njambiyε baka. ³ Wusε sendi, wusε hene dikima jɔna kwey nda botu be meneti maka gbate. Wusε dikima kelɔ meyasi beɔgwe beya mewobɔ musu ne ηguru wusu. He dikima kelɔ meyasi mete yi wusε ne ηguru wusu nε yi metake musu dikima gɔre ké. Ma nda wusε bɔ ndi sendi bomɔ nda besɔ ké, yo bɔ nde, ηgambi Njambiyε bâl sendi ke to su nda bo. ⁴ Ma ko dεte, Njambiyε ne gwena ηgwete budyate. A kwadya wusε budyate. ⁵ Yo nde, ke ηgimɔ te yi wusε bɔ munte ke misi mene ketɔ meɔsɔ musu ké, a kpalma kelɔ nde, wusε bêki ne jɔn ne kɔkɔ sine be *Krist. Yo ketɔ Njambiyε ne ηgikwa, yori yi nye jɔngwa ne wunε ké. ⁶ A womiya wusε sine be Krist Yesuε lepɔ nde, sine be Krist dɔy metidyε ke dyobɔ ke kwey, ketɔ sine be Krist Yesuε sanɔgwate. ⁷ Njambiyε kelma kimɔ yasi ne wusε dεte ne nje Krist Yesuε, na

tedye nye bomɔ hene ke metu mete yi ta nje ké nde, a ne nyanɔwe ngikwa kwɔ to te. ⁸ Ma yo keto Njambiyɛ ne ngikwa, yori yi nye jonɔwa ne wune ké. A kél dɛte ne nje tikina temɔ te yi wune tike ke yene ké. Yo ti wúla ke yun ne nguru wun na. Yo ndi keto Njambiyɛ nyéki mumɔ yasi ne gbɛlate. ⁹ Njambiyɛ tĩ jonɔwe wune keto yiɲa kimɔ mekele mete yi wune kelma ké na, kambɔ mumɔ me nje bendidye yotu ne. ¹⁰ Yo dɛte, keto wuse yasi te yi nye ne nguru wene kelma. A kelma nde, wuse bêki jonja yasi sanɔwate sine be Krist Yesus, né wuse kel kimɔ mekele mete yi nye ne nguru wene kikima si kobile nde, né wuse kel ké.

Sɔŋ Yesus ke kroa ke janɔwe

njoka mekando

¹¹ Ma dɛte, wune pân pa take teri yun kwey. Bo tĩ ja wune Beyuden na. Bo botu bete be nye sosu ke kasi pesina yotu yan yi bembam baka kpál jeba ndi wune nde Mbo botu bete be ti pésinaɔwe baka. Ma mepesina me bembam te yi bo lɛpe nɔ ké, yo ndi yike yi beɲna ke gbɛla yotu ke puye ké. Yo bomɔ diki kelo yite ne gba bo yan. ¹² Wune táka kimote. Ke ngimɔ te yite, wune ba londunate ne *Krist, wune tĩ be bono be kando ke moy kando Isarayel na. Wune ba nda bejanɔwe ke moy membon mete yi Njambiyɛ kelma bene kando dylene, kpo meyasi nye nye ké. Wune tĩ be ne monɔ yanja ne mbet ke moyte na. Wune tĩ be ne yiɲa meyasi mete yi wune yakama be ne bibina temɔ nde, wune ta be nɔ nemeno

na. Wunε dīkima jōḡna kε mεnεti maka kinε duwε Njambiyε na. ¹³ Ma ko nde, wunε dīkima jōḡna kwey lōndunate nε Njambiyε dεte, ndana wūnε bε Krist Yesus mε saḡwate. Dete, wunε ma si tutudya nε Njambiyε nε nje mεkiyo mε *Krist, ¹⁴ keto yo nyε keke nde, wusε jōḡnaḡwε nε tε. Kwey Beyudεn nε botu bεte bε yeti Beyudεn baka dīkima jōḡna dεle dεle. Ma a njā kelō nde, bo bēki yasi wεtε. Yo nde, a njā leke nyekwε te yi dīkima bake wusε kε soḡε. Nyekwε te, yo mεbenna mεte yi wusε dīkima benna kwey kε. A kelma dεte nε nje soḡ nε kε kroa ¹⁵ nε nje soḡna jaki jaki mεyasi mεte yi dīye kε mεmboḡa mε Beyudεn kε, na nje saḡwε mεkandō maka yība, nε yo nje bε ndi jōḡna kandō bomō wεtε, keto bεnε bo hεnε mε saḡwate. Dete, a kelma nde, bo jōḡnaḡwε nε tε tandε yan. ¹⁶ Nε nje soḡ nε kε kroa Krist soḡma pendo te yi bā kε njoka mεkandō maka kε, kelō nde, bo bēki ndi yasi wεtε. Dete, a njā jaḡwε njoka yan bεnε bε Njambiyε. ¹⁷ A njā lεpō Kimō Tom nyε wunε botu bεte bε yeti Beyudεn bε bā lōndunate kwey nε Njambiyε baka nde, wunε mε nε tε. A njā pelε sendi Kimō Tom te nyε botu bεte bε ma si tutudya nε Njambiyε baka nde, bo sendi mε nε tε. ¹⁸ Yo dεte, keto Krist Yesus wusε hεnε, ko bo ko bari, mumō hεnε yakama tutudya nε Da nε dεti te yi kiya Kimō Sisiḡ.

¹⁹ Dete, wunε yeti se bεjεḡwε bε wulε wula nje biye dya ho bεakwanḡwanḡō na. Yasi wεtε, wunε mε sendi bōnō bε kandō wūnε botu bεte bε wokuna nε Njambiyε baka. Wunε mε

sanḡwate wúne botu be moy tɔ dyene. ²⁰ Wune kete nda mekondu me tɔ. Botu be tomun be Yesus nɛ botu be punja melepi me Njambiyɛ be mekol me tɔ te. Krist Yesus ne nguru wene sanḡwe kondu. ²¹ Nye ne nguru wene ke kelo nde, bendidya tɔ te hene bɛki ne njololo, mesay mete kɛn kendo mbombu, né yo nje be kpaşa njumɔ te yi Njambiyɛ ne nguru wene ta kɛ mbombu jonna kete. ²² Wúne be Krist Yesus sanḡwate, dete wune sendi, wune ke njoka meyasi mete yi bo sume ne njumɔ te kɛ, né wúne besɔ hene nje ngbo be mbanjo te yi Njambiyɛ diye kete ne nje te yi Kimɔ Sisiḡ kɛ.

3

Mesay me Pol ke njoka botu bete

be yeti Beyuden baka

¹ Keto meyasi menɔri hene, mi Pol, mo jobɔ Krist Yesus keto yun, botu bete be yeti Beyuden baka... ² Mi ke take nde, wune wokuma kasi mesay mete yi Njambiyɛ nya mi ne ngikwa kɛ. A nya mi mesay mete, né mi kam ne wune. ³ Yo ne nje punja meyasi yi Njambiyɛ tedya ne mi yasi te yi ba sodyate ne mbombu kɛ. Yo yasi te yi mi ketima ndana ne mbet kenje wune kɛ. ⁴ Kome wune ta tolo yo kɛ, wune ta beɛe duwe nde, mi sima biye to yasi te yi ba sodyate ne mbombu ke kasi *Krist kɛ. ⁵ Mbombu ne mbombu, Njambiyɛ ti tedye yo nye bomɔ nde, bo dúkwe na. Ma ndana, a kwanma ne nje Kimɔ Sisiḡ yí punje ne yo ne gbas gbas nye botu be tomun be Yesus nɛ botu be punja melepi mene.

A tokuma bo hene, né bo kel mesay nye ndi nye nyepo. ⁶ Ma yasi te yi ba sodyate ké, yo nde, yasi te yi Njambye bakidye tike Beyuden ké, yo ndi kiya yasi te yi nye bakidye tike botu bete be yeti Beyuden baka. Sendi, nè Beyuden nè botu bete be yeti Beyuden baka, bo hene me ndi kiya yasi wete, nda medoku me kiya yotu mumo. Yo sendi nde, yasi te yi Njambye kpoma nde, a ta nye Beyuden, a ta nye ndi kiya yasi te nye botu bete be yeti Beyuden baka, keto a ma sangwe bo bene be Krist Yesus. Yo hene wula ke jayna Kimo Tom. ⁷ Njambye kelma ngikwa ne mi yi kelo nde, mi njaki nje be mo penna Kimo Tom te. A kanma yo nye mi ne nje ngungudye ne yi kele mesay ke yotu mbe ké. ⁸ Yo mi njena mumo ke njoka botu be Njambye hene. Njambye kelma ngikwa te dete ne mi nde, yo mi beki mo lepina Kimo Tom te nye botu bete be yeti Beyuden baka, né mi kè pel kpasa budya meyasi hene te yi diyè ke yi Krist ké nye bo. Bomo ti yaka biye to meyasi mete kumo njena na. ⁹ Njambye kelma sendi ngikwa ne mi dete, né mi paniye puye nye bomo hene lepò nda yi nye ta kelo yi tonje ne yasi te yi nye ma sodyukwe mbombu ne bo ké. Njombu yana mesew mesew Njambye te e kusuma meyasi hene ko sodya kimo yasi te ke moy temo ne. ¹⁰ A kelma dete, né bejaki nè bekum ban be diyè ke kwey baka nje kwa ne nje njon botu bete be tike temo ke yi Kumande Yesus baka yi duwe no nde, dyano Njambye ne menje budyate. ¹¹ Njambye kelma dete bengwe yasi te yi nye kikima kobile

njombu yaŋa mɛsɛw mɛsɛw. A kelma yo nɛ nje Krist Yesus te Nyanɔwɛ Kumande wusu. ¹² Sine be Krist Yesus saŋwate. Wuse ke tikɔ sendi temɔ ke yene. Yo dete yi wuse yakama kɛ lalɛ ndana ke keki Njambiye nɛ bibina temɔ kine gwe wɔ yaŋa na. ¹³ Dete tiso, yotu yun tɪ tɛki keto mɛbɔnɛ mɛte yi mi saŋwa nɔ keto yun kɛ na. Ma mɛbɔnɛ mɛte ta kpalɔ kame wunɛ kelɔ nde, wunɛ bɛki nɛ meluksa.

¹⁴ Yo keto te yite yi mi ke kuse mɛbɔn ke mbɔmbu Da. ¹⁵ Botu be kandɔ dɛyene, yite nde, baka be ke kwey nɛ baka be ke meneti jɔŋnanɔwɛ keto nɛ saŋwɛ wan. ¹⁶ Mi ŋgwɛtanɔwɛ dete nɛ Da nde, a kɛl nde, Sisiŋ nɛ kombila nye wunɛ nyanɔwɛ deti ke temɔ beŋwɛ nyanɔwɛ meluksa mɛnɛ. ¹⁷ Mi ŋgwɛtanɔwɛ sendi nde, *Krist dɛy ke mɔy mɛtemɔ mun kɛ nɔ mbɔmbu, keto wunɛ ke tikɔ temɔ ke yene. Mi ŋgwɛtanɔwɛ sendi dete, nɛ mɛkwadɛya mɛte yi wunɛ kwadɛya tandɛ yun kɛ lo megata, nɛ yo be nɛ ŋgbik nda tɪ te yi mekol mɛte be jelnate. ¹⁸ Dete, wunɛ bomo hɛnɛ be wokuna ndi nɛ Njambiye baka ta be nɛ deti te yi duwe nde, mɛkwadɛya mɛte yi Krist nɔ kɛ gba nyanɔwɛte budɛyate, njànɔ mɔy te nɛ sɛwɔ te nɛ dɪmɔ te bɪ dɔ te kine njena na. ¹⁹ Mi ŋgwɛtanɔwɛ dete, nɛ wunɛ duwe nɛ mɛkwadɛya mɛ Krist yi kwanɔma dɛyanɔ hɛnɛ, nɛ mɛtemɔ mun tondu nɛ budɛya mɛyasi mɛ Njambiye hɛnɛ kɛ nɔ mbɔmbu nda yi nye be tondunate nɛ budɛya mɛyasi hɛnɛ kumɔ njena kɛ. ²⁰ Ma Njambiye yakama kelɔ mɛyasi hɛnɛ laŋsa

yike yi wuse diyε nyε nè yi wuse take taka ké nε nje n̄gungud̄yε nε yi kele mesay ke temɔ su ké. ²¹ Sine n̄jɔ̄n̄ botu hene be tike temɔ ke yi Krist Yesus baka s̄ombila nyε, keto sine be Krist Yesus sangwate. Wuse k̄el d̄ete yaka nε men̄gimɔ hene kumɔ kpo nε kpo, *amen.

4

Wuse d̄iy sangwate

¹ Dete, mi mɔ jɔbɔ keto Nyangwe Kumande ke kombile lɛpɔ ndana nyε wunε nde: Wunε j̄ɔ̄n̄n̄angwe kelɔ meyasi yaka nε yi Njambiyε jebama nε wunε ké. ² Wunε j̄ɔ̄n̄n̄angwe d̄ete nε pid̄ya yotu ke men̄je hene, jɔ̄n̄na nε tε, gbiso sendi b̄esɔ. Baka d̄isiman̄angwe b̄esɔ nε temɔ te yi mekwad̄ya. ³ Wunε s̄an̄ nje te yi d̄iyɔ sangwate k̄è nɔ mbombu nda yi Kimɔ Sisīn̄ sima sangwe wunε ké. Kimɔ Sisīn̄ te ke kelɔ nde, wunε j̄ɔ̄n̄n̄angwe nε tε tande yun, né wunε d̄iy sangwate k̄è nɔ mbombu. ⁴ Yotu *Krist ndi wete nε wete. Kimɔ Sisīn̄ ndi sendi wete nε wete. Yo ndi sendi d̄ete kome Njambiyε jebama wunε njese ke yenε ké. A jebama wunε, né wunε be ndi nε d̄ibina temɔ ke yasi wete nε wete. ⁵ Wuse ndi nε Nyangwe Kumande wete nε wete. Tikina temɔ te yi wuse tike ke yi Njambiyε ké ndi wete nε wete. Sendi, tɔpuna bomɔ te yi bo tɔpe ke m̄oroku ké ndi wete nε wete. ⁶ Njambiyε ndi wete nε wete. Nyε sangwe nε bomɔ hene. A ke namɔ bomɔ hene. A k̄el mesay mene ke yotu bomɔ hene. A sendi ke yi bomɔ hene.

⁷ Ma yasi wete, ke njoka su, Njambiyε nya mumo hene misi mesay te yene beŋgwe yasi te yi Krist kwadya nye mumo hene ke. ⁸ Yo dete nda yi mekana me Njambiyε lepe nde: <A bendima ke ne mbj ke kwey. A biyma bebala kwa no. A kabima sendi meyasi nye bomo.> ⁹ Ma nge be nde, a bendima ke ne mbj ke kwey, 'yite ti tedya ka nde, a panma piye kumo ke meneti ke gba njj na? ¹⁰ Mo te e piya ko, yo ndi sendi nye e bendima ne mbj lanja dyobo, na tonje meyasi me mboko hene ne mekombila. ¹¹ Yo nye nye banja say nde, bo beki botu be tomun bene, nye banja say botu be punja melepi me Njambiyε, nye banja say penna Kim Tom. A nya sendi banja say bakidya botu be Njambiyε ne say tedya yan melepi mene. ¹² A kel dete, ne botu bete be wokuna ndi ne Njambiyε baka be ne deti te yi kelo mesay, ne njon botu bete be tike temo ke yi Krist baka doko doko ke no mbombu. ¹³ Njon botu bete ta doko doko dete kumo nde, wuse hene njaki nje be sangwate ke tikina temo te yi wuse tike ke yi Yesu te Mon Njambiyε ke ne ke duwa ne kimote. Dete, wuse ta ngbi, be nda goto bomo, be sendi tondunate ke menje hene nda Krist. ¹⁴ Dete, wuse ti be se nda gbela bonosike yi jaye tedya yasi hene te yi bomo yakama tedye wuse yi ke kaka, ke kaka nda njoy te yi pupo wumbidye ke na. Botu bete be diki peso moy yi sebile ne beso dete baka ti be ne deti te yi jatidye wuse ke beya nje kelo ne wuse dete na. ¹⁵ Ndi nde, nge wuse lepe ndi gbakasi ne mekwadya ke moyte, yite wuse ta doko doko ke diyoo te yi

wuse ðiye saɲgwate sine ðe Krist ké ke menje hene. Yo nye, Krist ðe to ke njoka njon botu ðete ðe tike temo ke yene ðaka. ¹⁶ Yo nye to kende ne ndingele yotu hene. Ke yotu te, mesiso ke jaɲgwe medoku me yotu hene jeliye yo ne ngbanɲi. Doku yotu hene ke kelo say te yene yi kame ne ðeso ðeɲgwe ðeti te yi nye no ké. Dete, ndingele yotu hene ta ké mbombu ðoko ðoko ne nje mekwadya.

Kasi njombu joɲgwe nɛ jonja joɲgwe

sine ðe Krist

¹⁷ Ma ðete, wune woku yasi te yi mi kombile lɛpo ne saɲsaɲ nye wune ke ðino Nyangwe Kumande wusu ké. Yo nde: Wune ti joɲnaɲgwe se nda yi botu ðete ðe yeti ke duwe Njambiye joɲna no ké na. Meyasi mete yi ðo ðiki take ké kine kpasa yaɲa ke moyte na. ¹⁸ Yo nde, ðyano ðyan sima ðimbiye, yiti kpalma ngangile yo. Bo kine mono yaɲa ne mbet ke moy kpasa joɲgwe te yi Njambiye nye botu ðene ké na, keto ðo yeti ke duwe nje Njambiye na. Bo yeti ke duwe nje Njambiye ðete na, keto metemo man ðeke ne keskere. ¹⁹ Yo me ðeke ne kpintiɲ. Dete, e ðo nye ðo ke sap sap joɲgwe yi nye ne to ne pitik ke kelna kwalo mekele me memi wete wete ké no. ²⁰ Ma duwa *Krist te yi wune jekima yun yi duwe ne nye ké ti ðe ðete na. ²¹ Wune kombila woko kasi Krist gbate, wune botu ðete ðe ðiye saɲgwate ne nye ðaka. Bo tedya wune meyasi ðeɲgwe gbakasi te yi ðiye ke yi Yesu ké. ²² Yo nde, wune tiki ðeya njombu joɲgwe te yi

wunε b̄a n̄o nε mbombu k̄e nda yi mum̄o s̄ore nε jεgbε jεgbε lamb̄o kε yotu l̄i k̄e. Beya m̄ewob̄o mε njombu jon̄gwε te yite yi wunε b̄a n̄o k̄e s̄ebila mum̄o k̄e n̄o kε nje te yi nyε ta yambile kete. ²³ Ma d̄ete, wunε t̄iki nde, Njambiyε s̄en̄ji m̄etake n̄e m̄etem̄o mun h̄enε. ²⁴ Wunε kp̄al nje jon̄na ndana nda jon̄ja m̄o te yi Njambiyε nε η̄guru wenε kusuma, na bōn̄na nε nyε. Jon̄ja m̄o te kε jon̄na nε η̄gben̄ kε mbombu wenε, bakidyε sendi yotu pupunate kε mbombu wenε. Yo gbakasi te yi d̄iyε kε yi Njambiyε k̄e kele nde, a j̄on̄nan̄gwε d̄ete. ²⁵ Nda yo d̄ete k̄e, wunε t̄iki j̄a. Mum̄o h̄enε l̄ēpi ndi gbakasi nyε jak̄ōs̄o, keto wuse h̄enε san̄gwate nda m̄edoku mε kiya yotu wete. ²⁶ N̄ge wunε woke η̄gambi nε mum̄o, kp̄e, wunε t̄i kel yin̄a beya yasi na. Kwana tem̄o te t̄i kum b̄ekoko nε tε na. ²⁷ Wunε t̄i nyeki *Kum beya m̄ekele nje te yi b̄adyε wunε na. ²⁸ M̄o te ε d̄ikima gūb̄o kwey k̄o t̄i ken se mbombu gūb̄o na. Yasi wete, a kp̄al kelo m̄esay kim̄ote nε m̄eb̄o m̄enε w̄ond̄o biriki, na nje b̄e nε yin̄a yasi te yi nyε yakama kab̄o nyε botu b̄e η̄gwete. ²⁹ Yin̄a beya l̄ēpi wete nε wete t̄i pundu kε numbu yun na. Yasi wete, nε l̄ēpi ndi yin̄a kim̄o m̄elēpi m̄ete yi yakama kame b̄es̄o kε t̄eri te yi b̄o d̄iyε kete k̄e kelo nde, b̄o d̄ōku d̄ōko kε nje Njambiyε k̄e n̄o mbombu. Wunε l̄ēpi ndi njel m̄elēpi m̄ete yite, d̄ete yo ta nyε m̄ekombila nyε botu b̄ete b̄e woke yo b̄aka. ³⁰ Wunε t̄i kel yasi te yi ta nyε Kim̄o Sisin̄ Njambiyε d̄uku na. Kim̄o Sisin̄ te, yo yo te yi Njambiyε kwetima kε yotu yun ȳi l̄adye nε yes̄o te yi nyε ta sid̄ye nε jon̄gwa botu

ḅene ké. ³¹ Beya pekeke mɛtake nè jon jon temo nè ngambi nè hoya hoya melombo nè mendoy, wune tiki yo, tiko sendi kwalo beya mekele hene ke njoka yun. ³² Wune bēki kimo bomo yí kelo kimo yasi ne beso, gwe sendi ngwete beso. Baka tiki beso ne ngwete nda yi Njambiye tikima sendi wune ne ngwete, keto yasi te yi *Krist kelma keto yun ké.

5

Wuse jôhnanḡwe ke moy mejasi

¹ 'Ma ndana, wune yeti me ka bono be Njambiye na? 'Wune yeti soḡ temo ne na? Ma dɛte, wune kēl meyasi nda yi Njambiye kele ké. ² Wune jôhnanḡwe ne mekwadya ke temo nda yi *Krist kwadya sendi ne wuse ké. A nya yotu ne ne nguru wene yí jonḡwe ne wuse. A kelma dɛte nda yi mumo kaḡe ne yiḡa yasi nye Njambiye ké, nda nyamo te yi bo kile ngiḡ ne kelo ne sadaka nye nye. Kaḡna yotu te yi Krist kaḡma dɛte nye Njambiye ké, yo nda kimo lobinda te yi bo loḡye nye nye.

³ Ma dɛte, nda yi wune me wokuna ndi ne Njambiye ké, kasi kelna mewanja nè kwalo mekele me memi hene, ho kasi nyena temo ke meyasi tɪ wokunanḡwe ko ne mbet ke mesimo mun na. ⁴ Yeti kimote nde, yiḡa lepi janji nè lepi abalmba nè yiḡa beya lepi mekoka pũndu ke numbu yun na, keto yite tɪ yaka ne botu be Njambiye na. Yasi wete, lepi te yi kpāl pundu ke numbu yun bēki ndi yike yi nye Njambiye wosoko. ⁵ Wune dũkwɛ gba nde, botu be kelna

mewanja nè botu be kelna mekele me memi, ko mumo wete ne wete ke njoka botu benori ti be ne meyasi mete yi Njambye bakidye tike botu bene ke *Kando dyene bene Krist na. Dete sendi, botu be nyena temo ke meyasi, yite nde, botu bete be kane yija yasi tiko Njambye baka, ko mumo wete ne wete ke njoka yan ti be ne meyasi mete yi Njambye bakidye tike botu bene mate na. ⁶ Mumo ti sebila wune ne yija lem melipi na. Yo kelna meyasi dete kele nde, ngambi Njambye bal ke to botu bete be kele da meto sungwe ne nye baka. ⁷ Dete, wune ti gbam kol wune botu bete na. ⁸ Keto ne mbombu wune ba yitil. Ma ndana wune me mejasi, keto wune be Nyangwe Kumande wusu me sangwate. Dete, wune johonangwe nda botu bete be me mejasi. ⁹ Wune kel dete, keto mejasi kel nde, mumo kel kwalo kimo yasi hene, kelo yasi hene ne ngben, kelo sendi nde, mumo lepi gbakasi ke meyasi hene. ¹⁰ Ma wune johonangwe ndana dete yi nembe meyasi, duwe yike yi nye Nyangwe Kumande mesosa. ¹¹ Wune ti nyeki bo ke kelna mekele me yitil wune botu bete be kele yo baka na. Mekele mete ti nyeki yija kimo yasi na. Yasi wete, wune kpâl gbaso yo ke puye ne ngway. ¹² Keto meyasi mete yi bo kele ke so ke gba yasi njon. Ko yeti yasi te yi mumo yakama bofe lepo na. ¹³ Ma nge yo si pundo hene ke puye dete ke, o beña, mumo ke nje duwe menjonjolo mete yey, ¹⁴ keto yasi hene te yi mejasi punje ke puye, yite me mejasi. Yo nda yi mekana me Njambye lepe nde: <We mo te e ke jako ko jemkwe, tema

ke njoka bemun, né mejasi me *Krist pan ke jonḡwe dya. > ¹⁵ Dete, wune kômbila diyo ne soso beḡe nda yi wune jonḡa nɔ ké. Wune tɪ jonḡanḡwe nda belem na. Yasi wete, wune jôḡnanḡwe nda botu bete be ne dyanɔ. ¹⁶ Dete, ḡgimɔ hene te yi dya wune nde, wune kël yinḡa yasi, wune nyêki bo kete kine dɪmbidye ḡgimɔ na, keto metu mete yi wuse diye kete ndana ké beyate. ¹⁷ Dete, wune tɪ ndembi na, yasi wete, wune kpâl sḡ nje te yi duwe yasi te yi Nyangwe Kumande kwadye ké. ¹⁸ Wune tɪ gwaki menjam na, keto yo ke bekidyé wune. Yasi wete, wune sâḡ nde, Kimɔ Sisiḡ tɔndu ke temɔ yun. ¹⁹ Yite baka ta nye besɔ deti ne nje jembina besom te yi luksa Njambye nè nje yinḡa mejembi mete yi sombile ne nye ho ne nje mejembi mete yi Kimɔ Sisiḡ ta nye wune deti te yi jembɔ ké. Yite wune ta jembina yí bese ne Nyangwe Kumande wusu ne temɔ yun hene. ²⁰ Nḡe Kimɔ Sisiḡ tondɔ metemɔ mun dete, yite wune ta nye Da Njambye wosoko meḡgimɔ hene, ke meyasi hene, ke dɪnɔ Nyangwe Kumande wusu Krist. ²¹ Yite baka ta tekwe to sunḡwe ne besɔ, keto wune ke jeso Krist.

Jonḡwe botu be Njambye

ke moy tɪ dyan

²² Wune bomari, nyari hene têkwe to sunḡwe ne njom yí tedye nde, wune ke wokuna ne Nyangwe Kumande. ²³ Wune kël dete, keto yo mbam diye ne nyari nda yi *Krist diye ne njonḡ botu bete be tike temɔ ke yene ké. Njonḡ botu bete gba yotu ne, yo nye jonḡwe bo. ²⁴ Ma nyari hene

têkwε to sunḡwε nε njom kε meyasi hεnε nda yi njon botu bete be tike temo kε yi Krist wokuna nε nye ké.

²⁵ Wunε ßembam, mbam hεnε kwâdyikwε nyari wenε nda yi *Krist kwadya nε njon botu bete be tike temo kε yenε yí nye jonḡwε dyenε nε nguru wenε keto yan ké. ²⁶ A kelma dεte, né bo wokuna ndi nε nye nyεpɔ. Yite a paɲma pa pupudye bo nε mɔrɔku nè mɛlɛpi mɛnε sendi. ²⁷ A kelma dεte, né njon botu bete nje tɛm kε mbombu wenε kimɔ yaɲa nε ßɛngɛnɛɲ kinε mɔnɔ mɛmi ho mbulma sal ho yiɲa mɔnɔ ßeya yaɲa dεte na. Yasi wɛtɛ, a kelma dεte, né bo wokunangwε ndi nε nye nyεpɔ kinε yiɲa mɔnɔ mɛjɔsɔ kε mbombu wenε na. ²⁸ Dete sendi, mbam hεnε kwâdyikwε nyari wenε nda ngbak ngbak yotu nε. Yo nde, mɔ te ε kwadye nyari wenε, mɔ te kε kwadye yotu nε nε nguru wenε. ²⁹ Keto ko mumɔ wɛtɛ nε wɛtɛ tĩ pa ßenɔ yotu nε mbaɲa yesɔ na. Yasi wɛtɛ, a dál yo ßakidyε yo kimɔte nda yi Krist kelε sendi dεte sunḡwε nε njon botu bete be tike temo kε yenε ké. ³⁰ A kél dεte, keto wusε mɛdoku mε yotu nε. ³¹ Yo nda yi Njambiyε lɛpima nde: <Dete, mbam ta tiko sanḡwε ßenε nyangwε jonna ßenε nyari nda kɔl ßenε jon. Bo hεnε yiɟa ta kpalɔ nje ßε ndi mbundɔ wɛtɛ.> ³² Yasi kε yi Njambiyε lɛpima ké, yo ßa sɔɟyate nε mbombu. Yo gba nyangwε yasi. Mi lépi yo waka yí tedye nε njoka Krist ßenε njon botu bete be tike temo kε yenε ßaka. ³³ Ma dεte sendi, wunε ßembam, mbam hεnε kwâdyikwε nyari wenε nda yotu nε. Sendi, nyari jêsi njonɔ

wene.

6

¹ Wune ðonɔsike, wune wôkunangwe ne botu bete ðe jama wune ðaka, keto yo kimɔte nde, botu bete ðe me sanɔwate ðene ðe Nyangwe Kumande ðaka kêl ðete. ² Wete mbonɔa Njambiyè lépi nde: <Jesɔ sɔngwe ðene nyɔngwe.> Ke njoka membonɔa mete yi Njambiyè tembidya, kpo sendi yiɔa yasi dokidyè kete, yɔkɔ bosate. ³ A kpoma nde: <Nge we kele ðete, we ta ðe ne mesosa, we má jɔɔna sendi kikwe ke meneti maka.> ⁴ Ma wune ðesangwe ne ðonɔ, wune tí kel yasi te yi ta kwadyè temɔ ðonɔ ðun na. Yasi wete, wune ðôkwe ðo ne nje tedya yan mebonè yí kite ne ðo ne nje nambina meto man. Wune kêl ðete nda yi Nyangwe Kumande kwadyè ké.

⁵ Wune ðebala, wune wôkunangwe ne botu bete ðe ðiyè ne wune ke meneti maka ðaka. Wune kâmbi ðo ngwanɔwa. Wune kêl ðete ne temɔ yun hene yí tedye nde, wune ke wokuna ne *Krist. ⁶ Wune tí kel ndi ðete keto ðo ke kɔɔn yun ke pemɔ wune na. Wune tí kel ndi ðete, né bomɔ ðe ne mesosa ne wune na. Yasi wete, wune kêl ðete yí tedye nde, wune ðebala ðe Krist ðe kele yasi te yi Njambiyè kwadyè ké ne temɔ yan hene. ⁷ Dete, wune kêl mesay nye ðo ne kimɔ temɔ nda wune kél nye Nyangwe Kumande, yeti nye bomɔ na. ⁸ Ma wune dúkwe nde, mumɔ hene, ko bala ko mɔ te e ti bala kɔ, Nyangwe Kumande ta nye mumɔ yasi ðengwe kimɔ mekele mene. ⁹ Ma wune botu bete ðe ðiyè ne ðebala ðaka,

wunε k l sendi d te nε bebala bun. Wunε tiki ngaliya misi sunɔwε nε bo, keto wunε ke duwε nde, mɔ te ε dɔyε nε bo, dɔyɔ sendi nε wunε kɔ, pεle dɔyɔbo. A yeti ke gwe mberi misi mε mumɔ na.

Mejɔle meɔyambi mete yi Njambiyε

nyε wusε k 

¹⁰ Y  sidɔyε nɔ, wunε b n d ti ke mebo mε Nyanɔwε Kumande n  ke nyanɔwε ngunɔudɔyε nε. ¹¹ Wunε bɔya mejɔle mε dɔyambi hεnε te yi Njambiyε nyε wunε k  jeliyε, n  wunε bε nε d ti te yi dɔyɔ nε ngbinɔim kome *Kum bεya mekele ta nje nε membɔle menε k . ¹² Keto dɔyambi te yi wusε lɔ k , wusε ti l n nε gbela botu bε membundo na, yasi wete, wusε l n dɔyambi te sunɔwε nε bεya mεsisin bεnε bekum ban n  nyanɔwε bekum ban bε name mbokɔ te yi yitil yi ke meneti maka k . Wusε l n dɔyambi te sunɔwε nε bεya mεyasi hεnε te yi nε nyanɔwε d ti yi dɔyε ke kwey k . ¹³ Ma nda yo d te k , wunε bɔya mejɔle mε dɔyambi hεnε te yi Njambiyε nyε wunε k  jeliyε, n  wunε bε nε d ti te yi sumɔ kol kome bεya yesɔ ta dɔyɔ k . Dete, wunε ta k  mbombu dɔyɔ nε ngbinɔim kome wunε ta laɔsa kumɔ njena k . ¹⁴ Wunε dɔy nε ngbinɔim. Wunε l pi ndi gbakasi. Yo b ki nda kanda te yi mumɔ susule ke jon nε k . Wunε k l mεyasi hεnε nε ngben ke jonɔwε dɔyun. Yo b ki nda lambɔ sumba te yi mumɔ lenε k  nɔ dɔyambi k . ¹⁵ Wunε ny ki sosu ke pεlna Kimɔ Tom te yi nyε mumɔ tete k . Yo nda menakala mete

yi mumo leŋe kendo no ké. ¹⁶ Ke meyasi hene, wune tiki temo ke yi *Krist. Yo nda ngubo te yi wune biye yi dīmo ne bulam bulam meko me ndolo hene te yi *Mo beya mekele lu ne dyambi ké. ¹⁷ Wune biya jonḡwe te yi Njambiyē nya wune ké. Yo nda guka sumba te yi mumo pete ne to kè no dyambi ké, bu sendi melepi mene nda kafa te yi Kimō Sisiḡ nye wune ké. ¹⁸ Wune ḡwêtaḡwe ne Njambiyē meḡgimo hene, kelo kwalō meḡweta nè kwalō mejaba hene ne deti te yi Kimō Sisiḡ. Wune tī yaki na, wune kēn ndi mbombu yī ḡweta ne Njambiyē dete meḡgimo hene kine kato na. Wune ḡwêtaḡwe sendi keto botu be Njambiyē hene, ¹⁹ jeko kwā kwāḡo keto mbe, né Njambiyē nye mi lepi te yi mi yākaḡwe lepo kome mi kwadye tapita ké, né mi lepina ne saḡsaḡ kine wḡ na yī tedye ne yasi te yi ma béki soḡyate ne mbombu ke kasi Kimō Tom ké. ²⁰ Mi mo boḡna Kimō Tom te kè pele, ko beko nde, mi ndana wotunate ne kol sumba ke tu joko. Wune ḡwêtaḡwe ne Njambiyē, né mi lepi yo ne saḡsaḡ kine wḡ na nda yi mi yākaḡwe kelo ké.

Pol ke nyeno botu be Efes

²¹ Mi ke kwadye nde, wune sendi, wune dukwe yasi te yi kwāna ke kasi mbe nè yasi te yi mi kele ndana ké. Wune ta woko yo hene ke numbu maḡ wusu Tisik, soḡ temo su. Nye mo mesay me Nyāḡwe Kumande. A nya sosu ne hene ke mesay mete. ²² Mi jéki tomō nye kenje, na kè lepi teri su nye wune, nye sendi wune deti

ke temo. ²³ Da Njambye nɛ Kumande Yesus Krist nyɛki bemaŋ busu tɛte nɛ mekwadya ke temo, kelo sendi nde, bo tiki temo ke yi Da kɛ no mbombu. ²⁴ Njambye kɛl ngikwa ne bomo hene be kwadye Nyangwe Kumande wusu Yesus Krist kine njena baka.

Μελεπι με Njambye Jonja Mbon
Kako: Μελεπι με Njambye Jonja Mbon New
Testament
Le Nouveau Testament en langue kako (kako-est)
Cameroun et RCA

copyright © 1999 Wycliffe Bible Translators, Inc.

Language: (Kako)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

01d5712f-3809-5574-9928-b20d539536e3